

**- SENAT -**

Broj: 01-19-1/23

Sarajevo, 05. 12. 2023. godine

**Z A P I S N I K****SA 19. TEMATSKE SJEDNICE SENATA****UNIVERZITETA U SARAJEVU ODRŽANE 05. 12. 2023. GODINE**

**Prisutni/e članovi/ice Senata:** prof. dr. Rifat Škrijelj, rektor, prof. dr. Tarik Zaimović, prof. dr. Mirza Dautbašić, prof. dr. Tamara Karča Beljak i prof. dr. Enita Nakaš, prorektori/ice, prof. dr. Dubravka Pozderac-Lejlić, prof. mr. Faruk Lončarević, prof. dr. Erdin Salihović, prof. dr. Mustafa Hasani, prof. dr. Dina Bajraktarević (po ovlaštenju), prof. dr. Elvis Fejzić (po ovlaštenju), prof. dr. Ifet Mahmutović, prof. dr. Ahmed Ahmić (po ovlaštenju), prof. dr. Arzija Pašalić, prof. dr. Fahir Bečić, prof. dr. Adnan Busuladžić (po ovlaštenju), prof. dr. Anis Balić (po ovlaštenju), doc. dr. Oliver Jurišić (po ovlaštenju), prof. dr. Haris Lulić, prof. dr. Nermina Babić (po ovlaštenju), prof. mr. Ališer Sijarić, doc. ddr. Esad Kadušić (po ovlaštenju), prof. dr. Muhamed Brka, prof. dr. Edina Sudžuka (po ovlaštenju), prof. dr. Nusret Drešković, prof. dr. Sedin Kobašlija (po ovlaštenju), prof. dr. Ahmed Lojo, prof. dr. Muhamed Smajlović, prof. dr. Adaleta Durmić-Pašić, prof. dr. Rasim Muratović, dr. sc. Aladin Husić, dr. sc. Zenaida Karavdić (po ovlaštenju), te predstavnici Udruženja Studentski parlament Univerziteta u Sarajevu: Imran Pašalić, predsjednik, Rijad Crvenjak, Ali Jusović, Almedin Sinanović, Jasmin Fazlić, Ahmed Parić i Iman Hakimi-Osmanbegović (po ovlaštenju).

**Odsutni/e članovi/ice Senata:** prof. dr. Dženana Husremović, prof. dr. Dušanka Bošković, prorektorice, Edin Maslo student-prorektor, prof. dr. Jasmina Selimović, prof. dr. Jasmin Velagić, dr. sc. Sedad Bešlija, prof. dr. Emir Tahirović,

**Sjednici prisustvuju:** prof. dr. Amir Zahirović, predsjednik Sindikata Univerziteta u Sarajevu, Kenan Filipović, dipl.iur., generalni sekretar Univerziteta u Sarajevu, Berina Smajlović-Doljančić, rukovoditeljica Službe za pravne poslove Univerziteta u Sarajevu, Sedada Ejupović, rukovoditeljica Službe za računovodstvo i finansije Univerziteta u Sarajevu – Fakulteta za kriminalistiku, kriminologiju i sigurnosne studije i Alma Voloder-Madacki, dipl.iur., viša stručna saradnica u Službi za pravne poslove u svojstvu zapisničarke.

Sjednica je počela u 10:00 sati.

Sjednicom je predsjedavao prof. dr. Rifat Škrijelj, rektor Univerziteta u Sarajevu.

Utvrđeno je da od ukupno 46 članova/ica Senata, sjednici prisustvuje 39 članova/ica Senata sa pravom glasa, od toga 12 članova/ica sa ovlaštenjem koje se nalazi u dokumentaciji Senata.

Na prijedlog prof. dr. Rifata Škrijelja, jednoglasno je usvojen slijedeći

### **D N E V N I R E D:**

1. Utvrđivanje amandmana Univerziteta u Sarajevu na Nacrt Budžeta Kantona Sarajevo za 2024. godinu.

### **T O K S J E D N I C E:**

#### **Ad-1.**

Prof. dr. Rifat Škrijelj podsjetio je članove i članice Senata da je u cilju dostavljanja integralnih amandmana Univerziteta u Sarajevu, kao jednog pravnog lica u okviru kojeg djeluju članice Univerziteta u Sarajevu kao zasebni budžetski korisnici, na utvrđeni Nacrt Budžeta Kantona Sarajevo za 2024. godinu, Senat Univerziteta u Sarajevu na 63. redovnoj sjednici održanoj 29. 11. 2023. godine, donio Zaključak kojim su članice Univerziteta bile u obavezi da do petka 01. 12. 2023. godine, Univerzitetu dostaviti pisane amandmane na utvrđeni Nacrt Budžeta Kantona Sarajevo za 2024. godinu. Također, s tim u vezi, na održanoj sjednici je dogovoreno da će se povodom dostavljenih amandmana održati i tematska sjednica Senata.

Također se osvrnuo na analizu koji je članovima i članicama Senata dostavljena uz poziv za sjednicu, a u kojoj je dat cjelovit pregled iskazanih potreba članica za uvećanje Budžeta Kantona Sarajevo za 2024. godinu po pojedinim stavkama, te pojasnio da se prijedlog uvećanja na poziciji Rektorata u kategoriji „Nova zapošljavanja“ odnosi na Zemaljski muzej BiH. Naglasio je da su sredstva potrebna za opremanje Univerzitetske biblioteke umanjena kroz Nacrt Budžeta za 400.000,00 KM. Na kraju je istakao da je u dostavljenoj analizi prikazana i nedostajuća sredstva za Udruženje Studentski parlament Univerziteta u Sarajevu u iznosu od 100.000,00 KM .

Prof. dr. Tarik Zaimović se u uvodnom obraćanju također osvrnuo na cjelovit pregled iskazanih potreba članica za uvećanje Budžeta Kantona Sarajevo za 2024. godinu po pojedinim stavkama. Posebno je naglasio da u Nacrtu Budžeta u dijelu Univerziteta u Sarajevu i njegovih članica nije uzeta u obzir Odluka Vlade Kantona Sarajevo po osnovu koje će od početka naredne godine za 16,7 posto biti povećana osnovica radnicima koji primaju plaće iz Budžeta Kantona Sarajevo, odnosno da dolazi do povećanja osnovice sa 330,00 na 385,00 KM, u koju kategoriju ulaze i zaposleni u visokom obrazovanju, a koja je utvrđena i u članu 18. Nacrta Zakona o izvršavanju Budžeta Kantona Sarajevo za 2024. godinu.

Zatim je otvorena diskusija u kojoj su učešće uzeli: prof. dr. Ifet Mahmutović, prof. dr. Adnan Busuladžić, prof. dr. Arzija Pašalić, prof. dr. Nermina Babić, prof. dr. Muhamed Smajlović, prof. mr. Ališer Sijarić, prof. dr. Sedin Kobašlija, prof. dr. Muhamed Brka, prof. dr. Tarik Zaimović i prof. dr. Haris Lulić.

U skladu sa stavovima iznesenim u diskusiji, jednoglasno je donesen slijedeći

## ZAKLJUČAK

1. Utvrđuju se amandmani Univerziteta u Sarajevu na Nacrt Budžeta Kantona Sarajevo za 2024. godinu, koji po tom osnovu čini sastavni dio ovog Zaključka.
2. Univerzitet u Sarajevu počev od 2019. godine djeluje u skladu sa propisima kojima se regulira budžetsko poslovanje na način da finansijsko poslovanje se zasniva na utvrđenom dokumentu okvirnog budžeta koji se donosi za trogodišnje razdoblje i usvojenim budžetom (finansijskim planom) za svaku budžetsku godinu, a u dijelu isplate plaća zaposlenim u skladu sa zaključenim kolektivnim ugovorom za djelatnost visokog obrazovanja i nauke i utvrđenom osnovicom u visini 330,00 KM.
3. U Nacrtu Budžeta Kantona Sarajevo za 2024. godinu u dijelu Univerziteta u Sarajevu i njegovih članica nije uzeta u obzir Odluka Vlade Kantona Sarajevo po osnovu koje će od početka naredne godine za 16,7 posto biti povećana osnovica radnicima koji primaju plaće iz Budžeta Kantona Sarajevo, odnosno da dolazi do povećanja osnovice sa 330,00 na 385,00 KM, u koju kategoriju ulaze i zaposleni u visokom obrazovanju. Navedena osnovica je utvrđena i u članu 18. Nacrta Zakona o izvršavanju Budžeta Kantona Sarajevo za 2024. godinu.
4. U skladu sa tačkom 2. i tačkom 3. ovog Zaključka neophodno je u proceduri usvajanja Budžeta Kantona Sarajevo za 2024. godinu u dijelu Univerziteta u Sarajevu i njegovih članica uzeti u obzir **promijenjenu osnovicu na nivou Kantona Sarajevo**, koja ima neposredan pravni učinak na povećanje bruto plaća i naknade plaća zaposlenih, doprinosa poslodavca, odnosno povećanja rada preko optimalne nastavne norme za akademsko osoblje, i čini sastavni dio amandmana iz tačke 1. ovog Zaključka.
5. Imajući u vidu porast cijena na tržištu odnosno nastale promijenjene okolnosti, prijedlog kriterija Univerziteta u Sarajevu za raspodjelu dodatnih sredstava u Budžetu Univerziteta za 2024. godinu se dopunjuje na način da se istim dodaje „**nabavka opreme**“, što ima neposredan učinak na povećanje budžeta u dijelu Univerziteta u Sarajevu i njegovih članica, i čini sastavni dio amandmana iz tačke 1. ovog Zaključka.

Shodno utvrđenim amandmanima Univerziteta u Sarajevu na Nacrt Budžeta Kantona Sarajevo za 2024. godinu, cijeneći ulogu Univerziteta u Sarajevu kao visokoškolske ustanove od posebnog opšteg i javnog interesa za Kanton Sarajevo i bosanskohercegovačko društvo, na prijedlog prof. dr. Rifata Škrijelj, jednoglasno je donesena sljedeća

## **ODLUKA**

Imenuje se pregovarački tim za vršenje konsultacija sa Vladom Kantona Sarajevo u pogledu amandmana Univerziteta u Sarajevu na utvrđeni Nacrt Budžeta Kantona Sarajevo za 2024. godinu u sljedećem sastavu:

1. Prof. dr. Rifat Škrijelj, rektor Univerziteta u Sarajevu,
2. Prof. dr. Tarik Zaimović, prorektor za finansije Univerziteta u Sarajevu,
3. Prof. dr. Rasim Muratović, predsjednik Vijeća grupacije društvenih nauka,
4. Dr. sc. Sedad Bešlija, predsjednik Vijeća grupacije humanističkih nauka,
5. Prof. dr. Muhamed Ajanović, predsjednik Vijeća grupacije medicinskih nauka,
6. Prof. dr. Jasmin Velagić, predsjednik Vijeća grupacije tehničkih nauka,
7. Prof. dr. Ahmed Lojo, predsjednik Vijeća grupacije prirodno-matematičkih i biotehničkih nauka,
8. Prof. dr. Dubravka Pozderac-Lejlić, predsjednik Vijeća grupacije umjetnosti i
9. Prof. dr. Haris Lulić, dekan Univerziteta u Sarajevu – Mašinskog fakulteta.

Sjednica je završena u 11:40 sati.

### ***R E K T O R***

***Prof. dr. Rifat Škrijelj, s.r.***

*Zapisničarka:*

*Alma Voloder-Madacki, dipl.iur. s. r.*